

19 МАЯ: Пренесение честных мощей святителя Саввы, первого архиепископа и учителя Сербского, от Тырнова града в славную Лавру Милешеву в честь Вознесения Господня.

Вечером 18 мая

Изменяемое №1

На Господи возвах:

Стух: Изведи из темницы душу мою, исповедатися имени Твоему.

Стух: Мене ждут праведницы, дондеже воздаси мне.

Стух: Из глубины возвах к Тебе, Господи, Господи, услыши глас мой.

Стух: Да будут уши Твои внимлюще гласу моления моего.

Стух: Аще беззакония назиши, Господи, Господи, кто постоит; яко у Тебе очищение есть.

Глас 6: Днесь благодать Святаго Духа/ вся празднлюбцы созывает/ на торжество великаго святителя/ в пренесение честных его мощей/ от града Тырнова во свое отечество,/ темже вси духовными песнями/ Савву Богомудраго прославим,/ молящагося прилежно спастися душам нашим.

Стух: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Егда преставление пречистаго твоего тела готвяшеся,/ тогда ангельская воинства, зряще тя,/ Божественными светлостью сияюща,/ пресвятой твой дух радостью воспринимашу,/ всегда в вождельная тобою места Горнего Иерусалима/ достигше, молящеся, провождашу,/ мы же, с Вышними ты ликующа, и со апостолы водворяема,/ и к нам от града Тырнова светло приходяща, молим:/ пресвятой Савво святителю,/ Христа Бога моли помилватися душам нашим.

Стух: От стражи утренния до нощи, от стражи утренния, да уповает Израиль на Господа.

На всечестное твое успение/ чиноначалия ангельская земных на торжество совокупляюще,/ еже святаго твоего духа покоеще прославляюще,/ хвалами всесвященными твой верх венчают,/ мы

же, смиренномудрии, пение тебе приносяще/ и святое твое пренесение честных мощей почитаяще,/ преподобне Савво святителю, молим тя:/ моли спастися душам нашим.

Стѹх: Яко у Господа милость, и многое у Него избавление, и Той избавит Израиля от всех беззаконий его.

Глас 1: На торжество светлое, священную трапезу,/ приидите, вернии, причастимся,/ Савва бо ны созывает, сотрапезники духовныя,/ егоже трапеза божественная и сладкая,/ но не заколение и пища смертная./ Того уподобимся кратости и незлобию/ и простому человеколюбию всеумудрому/ святителю, во святителех просиявшему.

Стѹх: Хвалите Господа вси языцы, похвалите Его вси людие.

Отче священне,/ твоего жития светлостью вселенная просветится,/ и омрачится бесовская лесь,/ и недужи душевнии отгоняются,/ и Церковь, радуясь, празднует тела твоего пришествие,/ божественных и благодатных твоих мощей,/ попирающих страсти и разрушающих мрак.

Стѹх: Яко утвердися милость Его на нас, и истина Господня пребывает во век.

Отче досточудне,/ церковь создал еси Присносущнаго Божества/ и церкви же возлюбил еси святые/ на Божественное Троицы хваление,/ оживил еси ны Божиею благодатию,/ милостивый стяжав разум.

Слава, глас 4: Не подобаше ти, святителю,/ отечество свое оставльшему, жити в Тырнове,/ отонудуже по изволению Божию,/ твоя боголюбезная чада с краем Владиславом/ многомолёбное пение тебе принесоша,/ еже возвратится тебе во своя,/ и, яко милостив и человеколюбив сый,/ пришёл еси ко своей пастве./ Темже слышавше се,/ собори Сербския земли со архиереи и священники/ и множество народа с кадилы и благоухании/ пречестное тело твое сретают/ и со слезами и радостью любезне любызают,/ краль же Владислав, якоже иногда пророк Давид,/ пред гробом святого скакаше, играя и веселяся,/ радости и веселия исполняшеся,/ видя стрья своего, во обитель свою пришедша./ Возвеселися же и Церковь, видевши тя, святителю,/

исповѣдающися, глаголющи:/ величит слава моя Господа,/ даровавшаго мне жениха, и утверждение веры,/ и богатство в моей нищете,/ и долготу покаяния./ Тѣмже молимся, святителю,/ мир испроси душам нашим и велию милость.

И ныне, догматик: Иже Тебе ради богоотец пророк Давид/ песненно о Тебе провозгласи,/ величия Тебе Сотворшему,/ предста Царица одесную Тебе,/ Тя бо Матерь, Ходатаицу Живота показа,/ без отца из Тебе вочеловечится благоволивый Бог,/ да Свой паки обновит образ, истлевший страстьми,/ и заблудшее горохищное обрет овча,/ на рамо восприим, ко Отцу принесет/ и Своему хотению/ с Небесными совокупит Силами,/ и спасет, Богородице, мир/ Христос, имеяй велию и богатую милость.

<далее см. основной Чин>

Изменяемое №2

Прокимен после «Свете тихий»: *См. Прокимен дня <далее см. основной Чин>*

Изменяемое №5

По полиелѣи седален глас 5:

Яко святителя вси и Божественнаго проповѣдника хвалим тя, Савво преблаженне,/ учении бо Божественными отечество свое озарил еси,/ и, мрак неразумия отогнав, насадил еси плоды Богоразумия,/ и со Ангелы ныне славиши Христа,/ Егоже непрестанно моли о душах наших.

Слава, и ныне, праздника.

Изменяемое №6

Степенна, 1-й антифон 4-го гласа.

Прокимен глас 4: Уста моя возглаголют премудрость/ и поучение сердца моего разум. *Стих:* Услышите сия, вси языцы, внушите, вси, живущии по вселенней.

<далее см. основной Чин>

Изменяемое №7

По 50-м псалме стихира глас 6:

Днесь благодать Святаго Духа/ вся празднлюбцы созывает на торжество великаго святителя/ в пренесение честных его мощей от града Тирнова во свое отечество,/ темже вси духовными песнями/ Савву Богомудраго прославим,/ молящагося прилежно спастися душам нашим.

Канон святителю Савве глас 4.

Песнь 1

Ирмос: Тристаты крепкия,/ Рождёйся от Дёвы,/ безстрастия во глубинё/ души
тричастное потопи, молюся,/ да Тебё, яко в тимпáne,/ во умерщвлёнии телесё/
побёдное воспою пёние.

Просвети мою душу и сердце,/ молю Тя, Светодавче и твари
Создателю,/ дар подав мне пёснями воспёти Твоёго угóдника,
честнаго святителя,/ имже отёчество егó от скóрби избáви.

К ширинё, блаженне, твоих похвал/ упрáви умá моего тесноту и
свет послí сердцу моему,/ поющу светонóсную и слáвную пáмять
твою, святителю прехвáльне.

Рáдостно повинуюся Бóжиим повелёнием, мóрю сошёственник
бысть,/ яко солнце к зáпаду, твоими мощми пришёл еси,/ просвещáя
отёчество своё, Сáвво блаженне.

Богорóдичен: Неусыпáющую, Чíстая, имúщи молíтву,/ успí наша
страсти душёвныя священными ходáтайствы Твоими,/
Божёственную и спасíтельную дающи бóдрость к Бóжиим хотёний
исполнёнию.

Ин канон святителю Савве глас 6.

Песнь 1

Ирмос: Чувственный фараон потоплен бысть со всебóинством,/ Израиль же,
прошёд посреде моря, вопиáше:/ Гóсподеви Бóгу нашему/ поим, яко прослáвился.

Земля ликóет и нёбо с человеки рáдуется боголёпно/ в твой,
мúдре, святый прáздник,/ в óньже священное твоё тёло от града
Тýрнова к твоёму стаду дойде,/ слáвне святителю, Дúху честное
жилище.

Распяв плоть свою страхом Владычним,/ умертвися мíрови,
премúдре святителю Сáвво,/ и ныне преиде вёсело к животу
вёчному, преблаженне.

Мертв мíрови бысть, Сáвво, Божёственным вселёнием,/ и по
святём преставлёнии и по погребёнии твоём в отёчество твоё
пренесён бысть свётло,/ егóже облагоухáеши, чúдне.

Богорóдичен: Ёже Сый со Отцём Соприсносúщный Сын,/ напоследок восхотév, вселíся в ложеснá Твоjá на нáше, Богорóдице, вёрных отрождéние:/ тёмже воспевáем Тя.

Песнь 3

Ирмós: Не мúдростию, и сíлою, и богáтством хвáлимся,/ но Твоёю, Óтчею Ипостáсною Мúдростию, Христé:/ несть бо свят, пáче Тебé, Человеколюбче.

Слáвне Сáвво, Бóжия устá быв,/ из уст вóлка неприязненна лю́ди отéчества своего́ избáви/ и преведí на рáдость и весéлие, пою́щая песнь Свéту.

Заградí язвы струп нáших,/ за нас, твои́х людéй пáствы, моли́ся/ и напра́ви ны ко Щéдрому Гóсподу, святítелю слáвне, заступлéние творя́,/ да не погíбнем, я́ко неразúмии.

От всякаго́ зла спасí отéчество своё и правослáвныя христиáны,/ и спобóрствуй им, я́ко вели́кий Архистратíг Иисúсу Навíну,/ потщíся и помозí, зело́ призывáем тя, свя́те,/ да не пости́гнет ны смерть и лúтость.

Во Егíпте дрéвле на руку́ Девíчу носím, бесóвская трéбища потребíв,/ в Сёрбию пáки Сáвву послáл есí вразумíти Твоё вочеловéчение/ и Бóжию, Христé, Твою́ тáйну.

Богорóдичен: Тя, Предстáтельница, Пречíстая Дéво, стяжáхом,/ претвори́ нáшу печáль на рáдость/ и скóрби избáви, раждáющая смерть.

Ин

Ирмós: На твёрдем вéры Твоея́ кáмени/ помышлéние утвердív души́ моея́,/ утвердú, Гóсподи,/ Тя бо úмам, Бла́же,/ прибéжище и утверждéние.

Лю́дие отéчества твоего́,/ вíдевшие тя, преблажéнне, приносíма, сретóша со святítели,/ íхже украси десн́ца твоjá,/ íже и простёртыми рука́ми приима́ху твоё свято́е тéло,/ я́ко вели́каго граждани́на и заступника тéплаго.

Святítелю блажéнне Христóв Сáвво,/ иногда́ во Иерусали́м и в Сина́й шéствовав,/ а ны́не во отéчество своё пришёл есí,/ чудеса́ творя́ дíвная на спасéние мíру всемú.

Был еси жилище чисто и учением испытал еси глубину,
святителю,/ зломыслящих потопляя умы, верных же напаяя сердца,
темже твоё честное празднуем пренесение.

Богородичен: Разрешение нам грехов дати, Чистая, Избавителя
умоли,/ помрачение все от душ наших присно Твоими молитвами
разгоняючи.

Седален, глас 4: Удивися, святительство паче естественного
приемля,/ возшед бо на высоту, приял еси дар давати исцеления
притекающим тебе с верою,/ сего ради вопием ти, преподобне
Савво:/ непрестанно моли о творящих память твою.

Слава, и ныне, праздника.

Песнь 4

Ирмос: Седяй в славе на престоле Божества/ во облаце легце,/ прииде Иисус
Пребожественный/ Нетленною Дланию и спасе зовущия:/ слава, Христе, силе
Твоей.

Всю злобу победив змиеву,/ в незлобии души своея пожив, Савво
Богомудре,/ из злобы мя исторгни и страстей смертоносных/ и
благими образы украси,/ яко да восхвалю добре подвизавшагося.

От рождения тя, Савво, родитель, яко Самуила священного, Богу
принесё/ и преда, от младых ногтей воспитатися в дому священном,/
служя Господу Вседержителю, просвещающе добродетельми твою
душу.

Твоё пречистое тело, во гробе лежа, не истле отнюд,/ но цело
обретется, преблаженне святителю,/ егоже со тцанием принеши,
радовахуся любезная твоя чада,/ тя богомудро ублажающе, святе
Савво святителю.

Богородичен: Воинства ангельская ужасаются, Пречистая,
воспевающе величество Божественного рождества Твоего,/ с ними
же моли, Дево, всем спастися, верою чистою Тебе блажащим.

Ин

Ирмос: Услышах слух Твой/ и убояхся,/ разумех дела Твоя и ужасохся:/ слава силе
Твоей, Господи.

Твои ученицы, похвальные ти венцы приносим, святе Савво,/ прими и заступи душевные наша немощи,/ излей на ны милостивное твое, отче, изволение/ и твоими молитвами от напасти спаси.

На Небесе Богу и Владыце всех предстоя, Богомудре,/ на земли в Божественной Того Церкви мудро веелся,/ премудре святителю Савво,/ Емуже помолися от душевных болезней и скорбей избавится поющим тя.

Проповедник неизреченного, да возвеличится ныне святитель,/ се бо по временной смерти добре Божиим мановением/ паки приходит во свое отечество,/ того священно песньми Божественными почтим.

Богородичен: Безвестная Владычице, Благословенная Богородительнице,/ поющая Тя спасай от всякого вреда,/ едина человек Помощнице.

Песнь 5

Ирмос: Нечестивии не узрят славы Твоея, Христе,/ но мы Тя, Единородне,/ Отеческия Славы Сияние Божества,/ от нощи утренююще,/ воспеваем Тя, Человеколюбче.

Красней ноге твой, преблаженне,/ по стези шествовавши сведений Божественных,/ по тем добро ступаючи, на пространство велие Небеснаго Царствия дошедши,/ Савво преславный.

Укрепи тя, на пути Божии ходяща, Ангел/ глаголати прежде будущая ясно, Савво пребогате,/ равна Ангелом суща и вне плоти духом.

Тя, преблаженне отче, приносима, Сербская земля восприимлет,/ богатяючи Божественными твоими учении,/ жителя тя своего имущи, блаженне Савво,/ паче багрянцы украшается.

Богородичен: Умными очима, Дево, зря Тя, Исаия вопиет:/ се хочет родиться от Девы Богоотроковицы Иисус Господь,/ в человек паки возрождение.

Ин

Ирмос: Свет возсияй миру, Христе,/ просвети сердце мое,/ от нощи Тебе зовуща,/ и спаси мя.

Со слезами вопиём ти, Савво преблаженне:/ избави свою паству от огня, и меча, и иноплемёнников,/ и междоусобицы, и глады, и всякаго зла.

Твори́т ны́не всебога́тно пра́здник Бо́жия Це́рковь/ твои́х моще́й, о́тче, пренесе́нием, сла́влящи всех Творца́,/ возвели́чившаго тя, Савво преблаженне.

Честна́, преблаженне, смерть тво́я пред Бо́гом на́шим яви́ся,/ ея́же ра́ди прославля́ешися прише́ствием твои́м, о́тче,/ ко оте́честву тво́ему, свя́те.

Богородичен: Е́же бы́ти нам подава́яй/ в Твою́ утробу́ вселі́ся, Богоро́дице,/ Егóже моли́ спасти́ нас.

Песнь 6

Ирмос: Приидо́х во глубины́ морскія,/ и потопі́ла мя е́сть бу́ря мно́гих грехо́в,/ но, я́ко Бог, из глубины́ возведи́ живо́т мой, Многоми́лостиве.

Благоуха́ют, преподо́бне, твоего́ уче́ния словеса́ благода́тию Ду́ха Свята́го,/ Божество́ Еди́но в Трех Ли́цах, Сло́ва же воплоще́ние по́я,/ благоуха́еши нас, пребога́те.

Досто́йно ти дарова́ Христо́с градожи́тельство на Небесе́х,/ пребыва́ющего бо зде гра́да не возлюбі́л еси́, блаженне Савво,/ ве́рен служи́тель быв и приста́вник та́йнам Егó пребога́т.

Пресла́внии страсоте́рпцы Серге́й и Вакх ра́дуются,/ имéюще Божество́нное твоё́ тѣло, святите́лю,/ в це́ркви Христо́вой положéно с ни́ми,/ веселя́щее ду́ши и сердца́ ве́рою припада́ющих к ра́це тво́ей, Савво пребога́те.

Богородичен: Лю́дие Твои́ и град мо́лят Тя, Ма́ти Бо́жия:/ изми́ нас вся́кия ну́жды/ и та́мошняго, Всесвята́я Влады́чице, ве́чнаго осужде́ния.

Ин

Ирмос: Кі́том пожре́н грехо́вным,/ вопи́ю Тебе́, Христé:/ я́ко проро́ка,/ из истле́ния мя свободи́.

Творе́ц Бог тебе́ заступника́ нам даде́,/ тем зове́м ти:/ потщи́ся, Савво свя́те, и зло́бы избави ны́,/ ско́рби бо вели́кия и ратны́я, телесны́я и душе́вны́я, рабы́ тво́я обдержат́,/ от ни́хже избави ны́, иерарше́ Христóв.

Мёртвенное тѣло твоѣ Сѣрбская земля воспріяла есть,/ живонóсную свѣтлость испущающее, преблаженне Савво,/ и умерщвлѣнных страстьми смертонóсными исцеляющее Духом Божественным.

Преподóбне возвратівся в своѣ отѣчество, немірная умиріл еси,/ и положѣн бысть в раце в домѣ Спáсове, святителю,/ Егóже ради обогатился еси вла́стию, прехвáльне.

Богорóдичен: Дѣво еди́на Чістая Обра́дованная, помози́ ми,/ прісно обурева́ему житѣйскими напáстьми.

Конда́к, глас 6: Засту́пниче скорб́ящим,/ в напáстех помóщниче,/ ко Влады́це молебниче,/ не прѣзри нас, смиренных, обременѣнных грехи́,/ но предвари́ и исхити от мук вѣчных с вѣрою молящихтися,/ ускори́ на заступлѣние и потщи́ся на по́мощь,/ заступи́, святителю Христов Савво, пою́щия тя.

Икос: Приими́ мольбы́ на́ша, иерáрше Господень, ѿмиже недоумѣнно припадаем ти, недостóйнии,/ мно́жеством заступлѣний твои́х прізри нас всегда, припадающих ти,/ неусы́пною своѣю моли́твою и неизречѣнною по́мощию не остави нас/ и пода́ждь рабóм твои́м избавлѣние от всех нападѣний лю́тых,/ тебѣ бо заступника ѿмамы, святителю, иерáрше Христов Савво,/ от стужа́ющих нас бед лю́тых,/ но я́ко имѣя дерзновѣние ко Влады́це всех,/ лю́ди заступáй, святителю Христов Савво, прісно пою́щия тя.

Песнь 7

Ирмо́с: Юноши три в Вавилóне,/ велѣние мучителево на буйство прелóжше,/ посредѣ пла́мене вопіяху:/ благословѣн еси́, Гóсподи,/ Бóже отѣц на́ших.

Я́ко уязвлен Трóическим Бóжиим рачѣнием,/ Тому́ созда́ Божественныя обітели, и в них насадѣ богожелáнныя мўжи, и научѣ пѣти:/ благословѣн Бог отѣц на́ших.

Прииде свѣти́льник от Ты́рнова на свѣщнице положѣтися,/ приспѣ украшѣние Бóжия Цѣркве,/ воспóйте Гóсподеви, пóйте с весѣлием,/ и, срѣтение творя́ще ему́, духóвно возопи́м:/ óтче, моли́твами твои́ми спасѣ нас, пою́щих:/ благословѣн Бог отѣц на́ших.

Павлов неложный, Савво, бысть светильник/ и того стопам последовал еси, преподобне, и подвижник наречёся,/ монахом, и святителем, и всем быв правило, ихже научи пети:/ благословен Бог отец наших.

Богородичен: Успи востания страстей моея души,/ бодренною молитвою Твоею даждь ми бодрость, Отроковице,/ уныния дремание далече отгоняючи.

Ин

Ирмос: Преподобных Твоих отроков песнь услышавый/ и пещь горящую оросивый,/ благословен еси, Господи,/ Боже отец наших.

Престолу Божию предстоя, святителю блаженне,/ о верных своих рабех моления непрестанно твори,/ верою вопиющих Христу:/ благословен Бог отец наших.

Радуется днесь Богonosных святителей собор,/ ихже ты породил Духом, честным пренесением твоих мощей,/ и празднуют людие Сербския земли, священнотайнниче мудре Савво, зовуще:/ благословен Бог отец наших.

Обстоим, ликующе, Богonosне отче, священную твою раку/ и богато от нея почерпаем верою, блаженне Савво, исцелений благодать, зовуще:/ благословен Бог отец наших.

Богородичен: Владычице всех человек, Святая Богородице,/ работы мя страстныя Твоими молитвами до конца свободи.

Песнь 8

Ирмос: Избавителю всех, Всесильне,/ посреде пламене благочествовавшия,/ снишед, оросил еси/ и научил еси пети:/ вся дела, благословите, пойте Господа.

Паче инех честнейши, Савво,/ бысть убо тебе ради Сербская всеславная митрополия,/ Христу Богу принесё начаток священен,/ всех Царю поющи непрестанно:/ Господа пойте и превозносите Его во веки.

Сотворяюще ныне празднственное веселие, Савво,/ пренесением твоих честных мощей,/ людие вернии хвалою зовут ти:/ присный Христа Царя угодниче,/ исцели недуги душ и телес наших, моляся всех благ Подателю:/ вся дела, Господа пойте и превозносите Его во веки.

К раце мощей твоих святых, людие отечества твоего, приходим и от сердца зовем:/ помилуй своя рабы и от печали избавляй,/ видиши бо вся печальны и унылы,/ но моли Милостиваго Бога избавити нас вскоре твоими молитвами.

Богородичен: Милости Твоея мя сподоби,/ Милостивейшаго Слова рождши, Благословенная Всечистая,/ в час судный предстани/ и избави тамошнего мя, Чистая, осуждения.

Ин

Ирмос: Преподобнии Твои отроцы/ в пещи Херувимы подражаху,/ трисвятую песнь воспевающе:/ благословите, пойте/ и превозносите во вся веки.

Земля от своих недр предаде тя священнолепна, цела же и неразрушима,/ благоуханием чудес удивляюща града жителей перстию гроба твоего, пророчески вопиющих:/ праведницы во веки живут.

Персть, облегающая многострадальное твое тело, отче,/ показася дражайши камне сапфира, целебна бо и чудотворива,/ и паче злата верными ценима, поющими достойно:/ честна пред Господам смерть преподобных Его.

Царя благочестиваго, держаща святину и благословение,/ твое святое и честное тело,/ сонным явлением пренести убеждаеши,/ егоже чада твоя со святители и священники, яко пребогатое сокровище, во своя пренесоша.

Богородичен: Поём Тя, Дево Богородительнице,/ Еяже ради клятва неплодна бысть и благословение всем прииде,/ ведущим Тя едину Матерь Бога нашего безмужную.

Песнь Богородицы: Величит душа моя Господа: *<см. основной Чин>*

Песнь 9

Ирмос: Ева убо недугом преслушания/ клятву вселила есть;/ Ты же, Дево Богородице,/ прозябением чревоношения миру Благословение процвела еси./ Тем Тя вен величаем.

Кораблем, блаженне, красным преплыв сверепеющее море жития,/ дошел еси к пристанищу небурному, радуясь,/ и ныне предстоиша с ликом Ангелов,/ моля за ны Милосердаго.

Днесь Божественная митрополия, наместника добляго тебе стяжавши, празднует,/ Божественное творящи твое празднество со всеми епархиями и грады,/ ихже соблюдаеши своими молитвами.

Христоролюбивый Владислав самодержец, якоже древле Давид,/ пред кивотом предстоя святого твоего тела, радовался, поя:/ величит душа моя Господа,/ яко даде ми отца и учителя,/ и во церкви Своей, радуясь, положил есть.

Богородичен: Глас Тебе Божественнаго Гавриила приносим радостно и взываем:/ радуйся, раю, Яже древо животное посреде имущая всегда, преславная Слова Палато,/ радуйся, Дево Всенепорочная.

Ин

Ирмос: Еже радуйся от Ангела приимшая/ и рождающая Создателя Своего,/ Дево, спаси Тя величающая.

Явися чудо страшное в самый час успения:/ паче солнца твое лице, отче, заблеста,/ внигда приидоша лица святых, дух твой восприимлюще/ и Богу Творцу приносяще.

Стекаются людие паствы твоея,/ крль же благочестивый и священнх служителей множество/ и возложиша твое честное тело на вси богоприятныя,/ яко кивот, пресвятый дар приносяще, тебе величаху.

Днесь празднественно ликуим вси,/ созывает бо Савва святителей собор и честныя черноризцы на ликование духовное/ и на трапезу безсмертныя жизни.

Богородичен: Всеми владеючи тварьми,/ людем Твоим даруй победы на врагов молитвами святителя,/ да Тя яко Богородицу величаем.

<далее см. основной Чин>

Изменяемое №9

Светилен:

Святителя Христова да восхвалим, память его честно торжествующе,/ той бо нам подаёт трапезу духовную,/ еяже духом насыщающеся, наслаждение Божественное получаем,/ Светодавца прославяюще.

Слава, и ныне: Твое пречистое тело, во гробе лежащее, не растлеса отнюд,/ но цело обретеса, преблаженне святителю Савво,/ егоже со

тщанием принесоша, радовахуся божественная твоя чада,/ благоверна питателя богославно ты и богомудра ублажаем,/ Христу молящегося о душах наших.

<далее см. основной Чин>

Изменяемое №10

На стиховне стихиры глас 5:

Радуйся, святителей честное,/ и богоносное, и доброголасное
удобрение,/ доброто целомудрия, православия степень,/ новый нам
Савво,/ раздатель телесных пищи алчущим/ и духовных пищи
требующим податель,/ убогим, яко отец милостив,/ сопросветитель
отечества своего с церковными учителями,/ ихже породил еси Духом и
Божественными учениями,/ всех уча Божественного человеколюбия
величеству./ Христу ныне молися/ даровати душам нашим велию
милость.

Стих: Честна пред Господом/ смерть преподобных Его.

Радуйся, просвещенная главо,/ иже тьму злочестивую отгнавый
оружием благочестия,/ иже отечеству своему утверждение и Церкви
стену./ Священнолюбцы, приидите,/ почтим память просвещшаго
нас,/ и Богу присных рабы соделавша,/ и греховный мрак Божию
благодатию отгнавша,/ и к нам светло днесь из Тырнова града
пришедша,/ темже согласно возопием ему:/ поминай чада у Христа,/
чтущия тя непрестанно, блаженне,/ и празднующия верно
присночестную память твою,/ молися подати миру велию
милость.

Стих: Что воздам Господеву о всех,/ яже воздаде ми?

Радуйся, святителю Христов Савво,/ избранный же благоухания
фимиамом,/ цвете райский,/ верным просвещение,/ Слово
проповедниче велегласен,/ уме Небесный учеником,/ твердый
столпе, святителю Божий,/ светило незаходимое и Церквям
украшение,/ светильниче многосветлый,/ иже законом
Божественным просвети отечество свое,/ Христу помолися/
даровати душам нашим велию милость.

*Слава, глас 6: Приидите, собори Сербския земли,/ видим преславное
чудо:/ днесь учителя нашего и отца,/ от Тырнова града к нам
пришедша,/ яко да спящих ны во гресех оживити,/ приидите днесь,*

неразуме́ем усну́вший, подивимся/ и, се́го сла́дости учи́тельския насыща́ясь непреста́нно, си́це рцем:/ ра́дуйся, апо́столу Па́влу совсельниче,/ я́ко изъясни́л еси́ ве́рным лю́дем и́стинная пропове́дания;/ ра́дуйся, громогласная трубо́,/ провозвестившая нам путь спасе́ния;/ ра́дуйся, святи́телем и́стинное пра́вило,/ и, я́ко дерзнове́ние у Христа́ име́я,/ моли́ спастися душа́м на́шим.

И ны́не, пра́здника: Творец и Избавитель мой, Пречистая,/ Христос Господь, из Твоих ложесн прошед,/ в мя оболкийся, первыя клятвы Адама свободы./ Темже Ти, Всечистая,/ яко Божи Матери же и Деве,/ воистинну вопием немолчно:/ радуйся, Ангельски, радуйся, Владычице,/ предстательство и покрове,/ и спасение душ наших.

<далее см. основной Чин>

Утром 19 мая

Изменяемое №11

По 1-м стихословии седальны глас 8:

Отéческия любв́е отлúчсѧ, мáтернее же желáние небрѣг,/ еди́наго вожделѣв Отцá Небѣснаго/ и Тому́ весь прилепи́лся еси́ по́ты же, и труды́, и моли́твами непреста́нными,/ тем и востече́ на Го́ру Святую́,/ мно́гия же, тебе́ послѣдовавшия, Бо́гу привѣл еси́,/ Сáвво, преблаже́нне о́тче, моли́ Христа́ Бо́га грехо́в оставле́ние подáти/ чту́щим любóвию святую́ пáмьять твою́.

Сла́ва, и ны́не, Богоро́дичен: *<далее см. основной Чин>*

Изменяемое №12

По 2-м стихословии седальны глас 4:

Удиви́шасѧ вся а́нгельская во́инства жити́ю тво́ему честнóму,/ и́мже к ним причтѣ́сѧ, а́нгельски бо в ми́ре пожív;/ устраши́шасѧ же земни́и челове́цы, зря́ще пречестнóе тѣло твоѣ́,/ ви́дяще, я́ко тлѣ́нное в нетлѣ́нное преложѣно,/ и с ра́достию и любóвию сретáют, припада́юще, любѣ́зно целу́ют,/ Христа́ велича́юще, просла́вльшаго тя, суща́го во вся ве́ки.

Сла́ва, и ны́не, Богоро́дичен: *<далее см. основной Чин>*

Изменяемое №13

Тропа́рь глас 3:

Пути́, вводящего в жизнь,/ наставля́ник, и первопресто́льник, и учи́тель был еси́:/ пёрвее бо пришёд, святителю Савво,/ отечество твоё просвети́л еси́/ и, породив то́е Ду́хом Святы́м,/ яко древа́ ма́слинная,/ в мы́сленном ра́й насади́л еси́ всеосвящённая твоя́ ча́да./ Тем, яко апо́столом и святителем сопресто́льна/ чту́ще тя, мо́лим:/ моли́ Христа́ Бо́га/ дарова́ти нам ве́лию ми́лость.

<далее см. основной Чин>

Изменяемое №14

На хвалитех стихирь:

Сту́х: Сотвори́ти в них суд напу́сан./ Сла́ва сия́ бу́дет всем преподо́бным Егб.

Сту́х: Хвалите́ Бо́га во святы́х Егб,/ хвалите́ Егб во утвер́жении си́лы Егб.

Сту́х: Хвалите́ Егб на си́лах Егб,/ хвалите́ Егб по мно́жеству вели́чества Егб.

Глас 2: В премы́рная селёния дух твой, блаже́нне,/ Христо́с Бог прие́млет/ и, со А́нгелы всели́в, у Себе́ упоко́ил есть,/ в лице́ святы́х веселя́ся/ и со ду́хи пра́ведных почи́вая,/ иде́же ду́си пра́ведных веселя́тся,/ во гла́се ра́дования шу́ма пра́зднующих,/ иде́же всех веселя́щихся жили́ще,/ нам испроси́ очи́щение/ и водворе́ние во све́тлости святы́х.

Сту́х: Хвалите́ Егб во гла́се тру́бнем,/ хвалите́ Егб во псалти́ри и гу́слех.

Ра́достно ны́не да воскликнем,/ и ра́достью возопи́ем,/ и рука́ми да воспле́щем све́тло,/ собра́ бо нас благода́ть духо́вная/ в па́мять пренесе́ния честны́х моще́й святителя Христо́ва,/ Богоно́снаго отца́ нашего́ Саввы,/ нас бо собира́ет, питомцы́ церко́вныя,/ на славосло́вие Бо́жия пёния,/ вознесша́гося во сла́ве Христа́ Бо́га нашего́,/ к Немуже́ возопи́ем:/ просвеще́ние, и освяще́ние, и мир наш,/ Го́споди, сла́ва Тебе́.

Сту́х: Хвалите́ Егб в тимпа́не и лице́,/ хвалите́ Егб во стру́нах и орга́не.

Кто не удиви́тся, кто не ублажи́т,/ кто не просла́вит пречи́стаго твоего́ жити́я, свя́те?/ На безсме́ртную бо жизнь сме́ртию преложи́ся,/ све́том освеща́яй всех,/ призыва́ющих тя и сла́вящих свято́е твоё пренесе́ние,/ от ско́рби, и бед, и напа́стей нас спаса́й/ и освеща́яй ста́до своё́ присно моли́твами свои́ми.

Сту́х: Хвалите́ Егб в кимва́лех доброгласных, хвалите́ Егб в кимва́лех восклицáния./ Вся́кое дыха́ние да хва́лит Го́спода.

Кіими похва́льными венца́ми/ венча́ем Са́вву святы́теля?/
Апо́стольски подсо́лнечную проше́дшаго/ и доше́дшаго до султа́на,
ца́рствующаго Вавило́ном,/ и той, неве́рен сый, стра́хом не́ким
оде́ржим,/ потре́бным тебе́, Са́вво, послужи́в,/ да́ше ти проводи́теля
до султа́на, ца́рствующаго Егип́том,/ и той, неве́рен сый,/ потре́бным
тебе́, святы́телю, послужи́в,/ да́ше тебе́ проводи́теля до Горы́
Сина́йския,/ и та́мо, Са́вво, с преподо́бными водвори́ся,/ слезны́я
исто́чники источа́я/ и Христа́ Пречи́стей Ма́тери моля́ся/ дарова́ти
ми́рови ве́лию ми́лость.

Сла́ва, глас 4: Истины́ испове́дника,/ и благоче́стия рачи́теля,/ и
те́мным просвети́теля,/ прииди́те, празднолю́бцы, Са́вву да
ублажи́м,/ во святы́х святы́теля и по́стником сожи́теля,/ ино́ком
наста́вника, и мирсти́м учи́теля,/ и му́чеником ревни́теля,/
апо́стольски труди́вшася,/ е́же бо по местом, и по градом, и по
зе́млям, Па́влу подо́бяся,/ труды́ и пути́ тво́я кто испове́сть?/ Того́
венца́ нося́, предстои́ши Трои́це,/ от Христа́ Мздовозда́теля проси́
моли́твами сво́ими, свя́те,/ мир ми́рови дарова́ти/ и душа́м на́шим
ве́лию ми́лость.

И ны́не, Богоро́дичен: <см. основно́й Чин>

[Именяемое №15](#)

Конда́к глас 6:

Засту́пниче скорбя́щим,/ в напáстех помо́щниче,/ ко Влады́це
моле́бниче,/ не презри́ нас, смире́нных, обремене́нных грехи́,/ но
предвари́ и исхи́ти от мук ве́чных с ве́рою моля́щихся,/ ускори́ на
заступле́ние и потщи́ся на по́мощь,/ заступи́, святы́телю Христо́в
Са́вво, пою́щия тя.

<далее см. основно́й Чин>

На Литургии

[Именяемое №20](#)

Прокі́мен, глас 1: Уста́ моя́ возглаго́лют премудро́сть/ и поуче́ние
се́рдца моего́ ра́зум. *Стих:* Услы́шите сия́, вси язы́цы,/ внуши́те, вси,
живу́щии по вселенне́й.

[Именяемое №21](#)

Аллилуиа, *глас 2*: Уста праведнаго поучатся премудрости, и язык его возглаголет суд. *Стих*: Закон Бога его в сердце его, и не запнутся стопы его.